



Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Trg pravde 10, 76100 Брчко дистрикт Босне и Херцеговине; web: jt-brckodistrikbih.pravosudje.ba; тел: 049/217-227; факс: 049/219-088; е-пошта: [jtbd@jtbd.ba](mailto:jtbd@jtbd.ba)

**Broj: T18 0 KT 0017308 23**

**Brčko, 27.05.2024. godine**

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

## O P T U Ž N I C U

**Protiv:**

**Almira Jašarevića ... rođen ... 1998. godine u Maoći (...)**

**Što je:**

U vremenskom periodu od početka 2023. godine, pa do dana 02.11.2023. godine, u Brčko distriktu BiH, s namjerom pribavljanja protivpravne imovinske koristi prodajom opojne droge, svjestan da su „Cannabis Sativa L“ tzv. „marihuana“ i „Amfetamin“ tzv. „speed“ opojne droge i psihotropne supstance, te da je građanima zabranjeno nabavljanje, držanje i prodavanje supstanci propisom proglašenih opojnim drogama, što je i htio, suprotno odredbi člana 4, 19 i 20 Zakona o sprečavanju i suzbijanju zloupotrebe opojnih droga BiH, neovlašćeno od njemu poznatog lica nabavljao, držao i prodavao opojnu drogu „Cannabis Sativa L“ tzv. „marihuanu“, koja je pod tačkom 13. na Listi opojnih droga u tabeli I Zabranjene supstance i biljke, proglašena opojnom drogom i „Amfetamin“ tzv. „speed“, koji je pod rednim brojem 1. na Listi psihotropnih supstanci u tabeli II - Supstance i biljke pod strogom kontrolom proglašen psihotropnom supstancom, pa je tako nabavljenu opojnu drogu i psihotropnu supstancu vagao i prepakivao u porodičnoj kući koja se nalazi u mjestu ... bb, u manje PVC paketiće i po prethodnom dogовору prodavao nekoliko puta sedmično na različitim mjestima u gradu, i to A. P. i drugim krajnjim korisnicima, po cijeni od 10,00 KM za jedan gram „Cannabis Sativa L“ tzv. marihuane i po cijeni od 20,00 KM za jedan gram „Amfetamin“ tzv. „speed“, sve do dana 02.11.2023. godine, kada je u tome spriječen od strane njegove majke, H. J., koja je nakon pronalaska ruksaka u kojima se nalazila opojna droga i psihotropna supstanca, a koje je Almir neovlašćeno radi prodaje držao na spratu porodične kuće, pozvala policijske službenike Policije Brčko distrikta BiH, koji su nakon pribavljanja Naredbe Osnovnog suda Brčko distrikta BiH izvršili pretres Almira i porodične kuće, kojom prilikom su privremeno oduzeli dva ruksaka, i to ruksak marke „Nike“ ljubičaste boje u kojem se nalazila opojna droga „Canabis Sativa L“, rasuta u grumenove, ukupne bruto mase 17,385 grama, jedno PVC pakovanje u kojem se nalazila psihotropna supstanca „Amfetamin“ tzv. „speed“, ukupne bruto mase 7,961 grama, jedna digitalna vaga za precizno mjerjenje sive boje, s plastičnim poklopcem, više PVC isjeckanih vrećica različitih boja, dok je u ruksaku marke „Nike“ crne boje pronađena PVC kesa crveno bijele boje, u kojoj se nalazilo trideset devet PVC folija, bijele, ljubičaste, crvene, plave i žute boje i jedna providna PVC kesa, u kojima se nalazila opojna droga „Canabis Sativa L“, ukupne bruto mase 265,189 grama,

dakle, neovlašćeno prodavao i radi prodaje držao supstance propisom proglašene opojnim drogama i psihotropnim supstancama,

čime je učinio krivično djelo – Neovlašćena proizvodnja i stavljanje u promet opojnih droga – iz člana 232 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica